

【青囊奧語】

作者：楊筠松，唐朝人，世稱救貧先生，被後世尊為風水祖師。

著作：疑龍經、憾龍經、一粒粟、天玉經、都天寶照經、天元烏兔經。

青囊奧語：為風水學運用上的基本概念，兼向法則用了十分隱晦的方法表達出來外，還將玄空五入中之飛星盤和二十四山向的秘密也透露出來，亦敘述了巒頭理氣並重玄微。

坤壬乙巨門從頭出，艮丙辛位位是破軍，巽辰亥盡是武曲位，甲癸申貪狼一路行。

左為陽子癸至亥壬，右為陰午丁至巳丙，雌與雄交會合玄空，雄與雌玄空卦內推。

山與水須要明此理，水與山禍福盡相關，明玄空只在五行中，知此法不須尋納甲。

顛顛倒二十四山有珠寶，順逆行二十四山有火坑，認金龍一經一緯義不窮，動不動直待高人施妙用。

第一義，要識龍身行與止。

第二言，來脈明堂不可偏。

第三法，傳送功曹不高壓。

第四奇，明堂十字有玄微。

第五妙，前後青龍兩相照。

第六秘，八國城門鎖正氣。

第七奧，要向天心尋十道。

第八裁，屈曲流神認去來。

第九神，任他平地與青雲。

第十真，若有一缺非真情。

明倒杖卦坐陰陽何必想，識掌模太極分明必有圖，
知化氣坐剋制化須熟記，說五星方圓尖秀要分明，曉高
低星峰須辨得玄微，鬼與曜生死去來真要妙，向放水生
旺有吉休囚否。

二十四山分五行，知得榮枯生與死，翻天覆地對不
同，其中秘密在玄空，認龍立穴要分明，在人仔細辨天
心，天心既辨穴何難，但把向中放水看。

從外生入名爲進，定知財寶續如山，從內生出名爲
退，家內錢財皆盡費，生入剋入名爲旺，子孫高官盡富
貴。

脈息生旺要知因，龍歇脈寒災禍侵，縱有他山來救
助空勞祿馬護龍行。

勸君再把星辰辨，吉凶禍福如神見，識得此篇真妙
微，又見郭璞再出現。